



Gonz elähn - Adam Marcel

1995

Er wuaschelt sich durch

S' Anchelik schafft òn de frisch Luft
Es laaft nur so dò rum unn ruft
Bub, wie wär's mit e priwadi Moodeschau
Es traat noch im dickschde Winder
E Minirock bis zum Hinner
So verdient's bi Wind unn Wedder Geld wie Hau
Es kennt änner, der steht aa oft òn de Stroòs
Mit e Gitarr unn träämt von de grossi Chance...
den kenn isch aa...

Er wuascheld sisch dursch
Er macht e bisje Musik dò unn dò
Er singt, die Saar isch scheen de Himmel blòò
Er saat, de Kriesch unn de Bòmb gehn ihm nò
Er wuaschelt sisch dursch
Chansongs macht er mim Marc, de Blues mim Jean
Schribbt selbscht nur noch Lieder mit schwartz unn gròò
Gibt zu, s'Meischde isch sowieso gelòò
Er lacht mim Nedde unn mim Doofe
Unn nò der allerletschde Strophe
Geht er hämm unn er kònn nit schlòöfe

Willy Miller schafft im Büro
Driggt die Uhr, rasiert sisch im Klo
Dònn lääst er e Stunn die Bild, weije dem Sport
Dònn esst er sin Joghurt, sin Obscht
Sordiert villeischt aa noch die Poscht
S' wird schunn alles geschafft, wenn aa nit sofort
Er denkt òn änner, der hat's nit gonz so schwär
E Kintschdler, der schafft nur halb so vill wie er...
den kenn isch aa.....

Frau Hella Gallenstein-Schiebung
Schafft im Ömt fir Genehmischung
Herrscht iwwer die Stembel mit jò òdder nää
Ihr Schreibdisch leit voll mit Akde
Dò musch de e gudd Jòòr waade
Bis de aa mòl drònkummsch „on ne sait jamais“
Sie denkt òn e Musiger der isch scheen bleed
Die wo umsunschd schaffe, die sin dinn gesäät...

den kenn isch aa.....

De krumm Uschän von Buggenum
Hat die Ärwed aa nit erfunn
Er stolbert noch iwwer die eischne Fieß
Er kontrolliert im Wasseròmt
Ob's Wasser iwwerall hinkummt
Das hääsch, er geht middaas fische òn de Blies
Trotzdem isch er neidisch uff de Musiger
Der in de Kneip schbielt, der schafft noch winnischer...
den kenn isch aa...

Er wuaschelt sisch dursch...
.... Vielleicht kònn er heit ämòl schlòöfe

Commentaires

Text und Musik: Marcel Adam, 17.10.1995

Arrangement: Laurent Kremer

Gitarre: Laurent Kremer

2. Stimme: Jürgen Reitz